

CAZAS

Nova direcziun per la praschun Tignez



Ines Follador-Breitenmoser chala sco directura da la praschun Cazas Tignez e va en pensiun.


FOTO RTR

Il stabiliment giudizial Cazas Tignez vegn manà a partir da primavaira dal duo *Markus Städler* e *Kiran Trost*, «duas personalitads cun blera experientscha en l’execuziun giudiziala», sco ch’il Departament da giustia, segirezza e sanadad dal Grischun ha communitgà. Els succedan ad *Ines Follador-Breitenmoser* che va la fin da mars 2026 en pensiun. Ella ha manà durant 15 onns la praschun, l’emprim en il Sennhof a Cuira e dapi il 2020 a Cazas Tignez. Ella è stada participada a l’installaziun dal manaschi da Cazas Tignez sco er a la translocaziun da l’anteriura praschun Sennhof l’onn 2020 da Cuira a Cazas. (cdm/rtr/fmr)

TURITG

Cadonau a l’universitad

L’Universitad populara da Turitg (VHS ZH) envida quest mardi, ils 4 da november 2025, ad ina proxim’occurrè en il rom da la seria dals «Colloquis rumantschs». En questa ediziun datti in discurs cun *Nutal* ed *Annalisa Bischoff-Pfister* e cun *Martin Pfister* davart vita ed ovra da Peter Paul Cadonau (1891-1972) e l’istorgia dal vitg da Vuorz. Peter Paul Cadonau è stà in engaschà reverenda ed autur-redactor rumantsch. Il discurs al colloqui a Turitg vegn manà da *Mevina Puorger*.



Dal 2019 era cumparida l’ovra «Peter Paul Cadonau (1891-1972) – Theologe und Seelsorger in bewegter Zeit» da Horst F. Rupp.

FOTO MAD

L’occurrè a la VHS ZH vegn era sustegnida da l’Uniun da las Rumantschas e dals Rumantschs en la Bassa (URB). (cdm/fmr)

Il «Colloqui rumantsch» è mardi, ils 4 da november 2025 a las 18.30-20.00 a l’Universitad da Turitg (sala KOL G-212). Igl è era pussaivel da participar al colloqui sin via digitala (Zoom). Il meglier è da s’annunziar ordavant tar l’organisatura dal colloqui: mevina.puorger@bluewin.ch / 079 331 68 61.

CHANTUNS ALPINS

Resalvas en connex cun la cunvegna d’energia

La Conferenza da las regenzas dals chantuns alpins ha pliras reservas en connex cun la cunvegna davart l’energia tranter la Svizra e l’Uniun europeica. Per ils chantuns alpins saja la forza idraulica fitg impurtanta, e quella na dastgia betg vegnir periclitada entras in dretg surordinà, ha scrit la conferenza en ina communicaziun. Ultra da quai duai il Cussegl federal planisar pli detaglià e transparent tge che capitass sch’i dess ina mancanza da forza electrica. A la Conferenza da las regenzas dal chantuns alpins fan part ils chantuns Grischun, Uri, Sursilvania, Sutsilvania, Glaruna, Appenzell Dadens, Tessin e Vallais. (cdm/rtr/fmr)

TRIMMIS

Accident sut alcohol e cun telefonin

La dumengia a bun’ura hai dà in accident individual a Trimmis, ha communitgà la Polizia chantunala dal Grischun. In giuven da 21 onns charrava cun ses auto enturn las 5.00 da Zezras en direcziun Trimmis che quel ha tuttenina bandunà la via, demoli pliras pitgas da saiv ed è sa fermà cun donns considerabels vid la fanestra davantvart. L’emprova d’alcohol dal giuven è stada positiva. Plinavant ha la polizia constatà che l’um era distratg tras ses telefonin. La polizia ha preni d’avent sin il plaz il permiss dal giuven. (cdm/fmr)



Scriver sin empustaziun dal public – Jürg Gautschi e Selina Beghetto a la lavur.



Lorenzo Polin gioga il detectiv Linard Lum – ina figura litterara da Göri Klainguti.



Palc cun sofa cotschen en la Postremise – als Dis da litteratura a Cuira n’hai betg tant plaz sco a Domat.

FOTOS MATTIAS NUTT



Rir e sa divertir – las performanzas han purschi gronda e blera variaziun al public la fin d’emna als Dis da litteratura.



Simea Widmer da Farden è stada la pli giuvna autura che ha prelegi.



La giugadura da teater e rescissura Silvana Candrea declera co ch’ella scriva teaters.



Scriver performativ – il professor per litteratura rumantscha Rico Valär morderscha ina discussiun cun quest tema.